



مشیتِ جلیلہ اسلامیہ نکِ جریدہ رسیہ پیدر

شوال ۱۳۳۵

عدو: ۳۲

آیدہ بر نشرِ اولتور

اوپنجی سنہ

فضائل اخلاقیه و حسیات دینیہ اساساتہ استناد ایتلیدر . چونکہ حسیات دینیہ و محاسن اخلاقیه تعالیٰ ملت و ترقی مملکت خصوصندہ اک مهم عاملدر .

بناءً علیہ بالعموم مؤمنین و مؤمناتک صوم و صلات کبی فرائض مبجلہ فی وسائر بالجلہ وظائف دینیہ فی حسن ادایہ بذل مقدرت و بوتون شعائر اسلامیہ مزہ تمامیلہ رعایت و فضائل ملیہ مزہ حقیلہ ابرازہ غیرت ایدہ رک تعالیٰ دین و دولت و محافظہ ملک و ملت ایچون اعلان جہاد ایدن و دائماً عون جلیل باری یہ استناد و روحانیت مقدسہ پیغمبریدن استمداد ایلان حکومتکزک ظفر نہائی یہ مظہریتی و ملتکزک مملکتکزک ہر و حجلہ رفاه و سعادت و وسائل مغویہ سنی احضارہ کال جدیدتہ مسارعت ایتلیری دیانت جلیلہ اسلامیہ و ملت نخبیہ عثمانیہ نامنہ توصیه اولنور .



اوقاف سہایون نظارتی تبلیغات عمومیہ سی

قومیسونلردہ بولندیریلہ جق مأمورین موظفہ یہ یومیہ واجرت ویرلامسنہ و بورالردہ متقاعدین و معزولیندن مناسبلرینک استخدام اولنسنہ دائر

[شرفوار اولان ۲۴ جمادی الآخرہ سنہ ۱۳۳۵ و ۱۶ نیشان سنہ ۱۳۳۳ تادیع و ۳۳۴۷۹۶ عری و ۲۶ خصوصی نومرولی تذکرہ سامیہ نک صورتیدر :]

سنہ حالیہ بودجہ سنک مجلس مبعوفان موازنہ مالیہ انجمنندہ تدقیق و مذاکرہ سی اثناستندہ بعض قومیسونلرہ تعیین ایدیلان دوائر مرکزیہ مأمورلرینہ مصارف متفرقہ تربیتندن و یا قومیسونک تشکیل و انعقادنی مستلزم اولان ایشک بودجہ دہ تعلق ایتدیکی تخصیصاتدن یومیہ یا خود اجرت حضور ناملریلہ بازہ ویرلمکدہ اولسی غیر جائز کورلمسیلہ سنہ مذکورہ ابتداسندن اعتباراً بو قیل قومیسونلردہ استخدام ایدیلہ جک معاشلی مأمورینہ او ناملر ایلہ ہیچ بر اچہ ویرلامکله برابر بعد ازیں مذکور قومیسونلرہ فوق العادہ بر لزوم اولمدجہ مأمورین موظفہ دن کیسه تعیین ایدلیوب متقاعدین و معزولیندن

مناسبتی استخدا می خزینہ چہ قرار شد ریہ رق دواثر مذکورہ وصایا ایفا قلندینی مالیه نظارت جلیلہ سندن بیلدیرلدیکندن وانجمن مذکورہ قراری صورت مطلقہ اولسیلہ ملحق بودجه ایله اداره اولان دواثر ومؤسسائده شامل بولندیقندن بختله بورالرده تبلیغات اجرایی لازم کله جکی دیوان محاسبات ریاستدن باتذکرہ ازباراولنش وایجاب ایدن دواثره تبلیغ کیفیت ایدلمش اولقله ایضای مقتضایی بایندہ .

بالجمله ادارات وقفیہ

صورتی بالایہ مخرج تذکرہ سامیہ صدارتیناهی احکام عالیسنہ توفیق معاملہ اولنسی تعمیلاً بیان اولتور .
ل ۹ شعبان سنہ ۱۳۳۵ و ل ۳۰ مایس سنہ ۱۳۳۳

★ ★

اجارہ واحدہ لو مسققات وقفیہ ویرکولرینہ عائد تجهیزات عسکریہ ترتیبی
ومعارف حصہ سنک صورت تسویه سنہ دائر

خزینہ اوقافہ خرج محاسبہ اعطاسیلہ مکلف اجارہ واحدہ لی ویکده درت ویرکویہ تابع مسققات موقوفہ ویرکولرندن خزینہ مالیه چہ آرانیلقدہ اولان کیفیت استیفایی بین الحزینتین حال اختلافده بولان تجهیزات عسکریہ ترتیبی ایله معارف حصہ اعانہ سنک مالیه نظارتنک اشعارینہ عطفاً استیفایی ضروری بولندیقنه دائر تسطیر اولان تذکرہ سامیه جواباً بعض افادہ بی وایشک برکرده شورای دولته تدقیق طلبی شامل و اوقاف هامون نظارتندن بالتقدیم شورای دولته حواله بیوریلن ۱ تشرین اول سنہ ۳۳۲ تاریخی وخصوصی طقسان بش نومرولی تذکرہ مالیه و نافعہ دائرہ سنده قرائت وخصوص مذکور حقندہ اول و آخر جریان ایدن مخبراتی حاوی اوراق جلب ایله تدقیق کیفیت اولندی .
اوقاف نظارتنک خلاصه اشعاراتی مسققات موقوفه مذکورہ دن بیکده درت ویرکو استیفا قلنمقدہ اولسی مسققات وقفیہ نک معارف حصہ اعانہ سیلہ تجهیزات عسکریہ ترتیبندن استثناسنہ دلالت ایتکده بولندیقنه نظ آ بولردن مذکور ترتیب ایله حصہ اعانہ نک استیفا اولنمائی مقدما مشروطیتدن اول مجلس وکلاجه اتخاذ قلنان مقررات اقتضاسندن اوله رق بولنرک املاک ساثرہ دن زمان استیفا سنده اولبایده کی مقرراته مستنداً مسققات موقوفه دن عدم استیفایی تعامل شکلده تقرر ایتمش اولدی بی و مسققات ویرکوسی حقندہ

قانونده مندرج احكام مسققات وقفیه حقننده تطبیق وموضوعات سائرۀ قانونیه ایله آریجه ترتیب وعلاوه ایدلمش اولان کسور منضمهده داخل حساب ایدیلهرک بروجه محرر تجدیداً تعیین قلنان ویرکو ایله معاً تحصیل ایدلمکده بولندینی جهته بین الحزبین حدوث بولان اشبو اختلافک تحریر جدید معاملاتنی اکمال ایدیلن ولایات ومحللر ایچون مرتفع اولدیغنه ودیکر محللر ایچونده تحریر جدید معاملهسی ایفا ایدلجکه پی درپی مرتفع اولهجنی آزاده بسط وتمهید بولندیغنه بناءً تحریر جدید معاملهسی ایفا ایدیلن محللر ایچون معامله مذکورۀ نك انتاجی تاریخته قدر اکتساب ایدلمش اولان معفویتک حقوق قطعیه ماهیتنده بولنسندن ناشی اشبو محللر ایچون تاریخ مذکورۀ قدر اعانات مبحوثۀ نك تحصیلی لازم کلامکله برابر تحریر جدید معاملاتنی هنوز اجرا ایدلامش اولان محللر ایچونده مذکور معامله نك اکماله دکن سالف الذکر اعاناته عائد قوانینک دولتهجه مدت مدیده صورت تطبیقیه تولد ایدهرک بونقطه نظر دن قانون حکم وقوتنده اولدینی طبیعی بولنان مساعده متعامله دائره سنده بر سابق ایفای معامله اولنسی لازم کلهجکی بیاندن عبارتدر .

مالیه نظارتک زبده مطالعاتی دخی تکلیفدن استثنا هر حالده بر قانون ایله قابل اولوب کرک معارف حصۀ اعانه سنک کرک تجهیزات عسکریه ترتینک اخذی حقننده کی اراده سنیهده مسققات مبحوثه ویرکولرندن حصص مذکورۀ نك عدم استیفاسی حقننده برکونا صراحت اولدیغنه ومجلس وکلانک معافیت حقننده کی سالف الذکر قرارلری ایسه اراده سنیهیه اقتران ایتماش اولوق اعتباریله قانون حکم وقوتی حائر بولندیغنه ومبحوث عنه اولان اجاره واحده لی مسققاتدن بیکده درت نسبتنده ویرکو آلنسی، بیکده اوتوز نسبتنده خرج محاسبه اعطاسیله مکلف بولنلرندن طولایی وقفه تسهیلات ارادهسی مقصدینه معطوف اولوب غایت جزئی مقدارده بولنان مذکور حصه لک بولنلر دن استثناسی وقفک اداره سنه اهمیتلی بر تاثیر اجرا اتمیهجکی کی حال حاضر مالی دخی غیر قانونی بوکی مساعداتک ادامه سنه مساعد اولمادیغنه مبنی مقررات مبحوثه ایله تأسس ایتمش اولان وبرمساعده مخصوصه قیلندن بولنان معفویت مبحوثۀ نك ارتق ادامه سنندن صرف نظر اولنسی مناسب اولهجنی مرکزنده بولنشددر .

مدعوأ حاضر بولنان مالیه نظارتی واردات مدیریت عمومیهسی معاونلرندن نائل

بکدن استیضاح کیفیت ایدلدکدن صوکره اقتضاسی مذاکره اولوندی . اعضادن احسان واستقناکی بکدر طرفندن بر قانون ایله طرح اولنان ویرکو ورسومکینه بر قانون ایله عفو ایدلکسزین برقرار اداری ایله تحصیلندن صرف نظر اولنمی غیر جائز اولدیغندن وقیله مغایر قانون اوله رق مجلس وکلاجه متخذ قراره بناءً موضوع بحث مسققات وقییه ویرکولرندن تحصیل ایدلیان مذکور تجهیزات عسکریه ترتیبی ایله معارف حصه ائانه سنک تاریخ احدانندن اعتباراً مسققات مذکوره دن ده استیفاسی وزمان صدوری اعتباریله قانون حکم وقوتنده اولان اراده سینه خلافته متخذ مقررات وجاری اولان معاملاتّه تعامل اطلاق اولنه میوب بو قیل معاملاتک هر نه زمان وقوف حاصل اولور ایسه حکم قانونه ارجاعی وممتنع التحصیل حکمنه کیرن وارداتک ده مسیبلرندن تضمینی ایجاب ایده جکی درمیان قانمشدر .

واقعا ذکر اولنان تجهیزات عسکریه ترتیبی ایله معارف حصه ائانه سنک صورت اخذ وجایاتی حقنده کی اراده سینه ده اجاره واحده لی مسققات موقوفه ویرکولرندن بونلرک استیفا اولنیه جغه دائر بر کونا صراحت اولماسنه کوره مسققات مرقومه دن حصص مذکوره نک آلتامسی حقنده مقدا مجلس وکلاجه اتخاذ قلنان مقرراتک اراده سینه یه غیر مقررین بولنمی اعتباریله عدم استیفایه اساس ومدار استناد اوله میه جفی درکار ایسه ده مقررات مذکوره نک تاریخ اتخاذندن اعتباراً حکمنه توفیقاً مسققات مبحوئه ویرکولرندن مذکور ترتیب ایله حصه ائانه نک استیفاسی جهت کیدلماش وبناءً علیه عدم استیفا بر تعامل شکلی آلمش اولدینی کبی مالیه نظارتجه ده بوشکل تعامل تصدیق اولنمقله برابر ارتق بو تعاملک ادامه سندن صرف نظر اولنمی بیان ایدلکده بولنمشدر .

بواساسه ومسققات ویرکومی حقنده کی قانونده مندرج احکام ذکر اولنان مسققات وقییه حقنده ده جاری اولمنسه کوره قانون مزبورک تطبیق احکامی صورتیله تحریر جدید معاملاتکی اکیال ایدیلن ولایات ومحللره عائد اوله رق استیفا ایدلماش اولنلرینک شمعی اخذی ایجاب ایتیب تحریر جدید معاملاتکی هنوز اجرا ایدلماش اولان محللر حقنده شورای دولته اتخاذ قلنان اشبو قرارک تبلیغی تاریخندن اعتباراً معامله مبحوئه نک ایفا

واکالته قدر مسقفات مزبور ویرکولرندن مذکور ترتیب ایله حصه اعانهك استیفاسی لازم کلیر آکا کوره مالیه و اوقاف نظارتلرینه تبلیغات اجراسی اکثریتله تذکر قلندی اولیاده امر و فرمان حضرت منله الامر کدر .

شورای دولت ملکیه و معارف دائره سنک بایورلدی سامی تبلیغ اولتان ۶ مایس سنه ۱۳۳۳ تاریخی و ۱۳۰ نومرولی مضبوطه سی صورتی عیناً بالایه درج اولمقله مندرجاتی دائره سنده ایهای معامله اولتمسی تعمیماً بیان اولنور .
۱۲ شعبان سنه ۱۳۳۵ و ۲۷ حزیران سنه ۱۳۳۳



تذاکر و محررات عیله

فراغه وکیلک تعددی حالنده یالکز صاحب ارضك اذنی لاحق اولان
فراغك صحیح اوله جنی حقنده

کوکجه صو ناحیه سنه تابع کوتی قریه سنک اوراق نام موقعنده واقع اراضینک متصرفی حاجی علی عثمانک مذکور اراضی بی بشقه بشقه اشخاصه فراغ ضمنتده تنظیم ایتدیرمش اولدینی اوج قطعه وکالتنامه دن هانکیسنک معتبر بولندیقنک انباشنه دائر ملکیه و معارف دائره سی افاد سیله شورای دولت ریاست جلیله سندن مرسل ۱۷ جهادی الآخره سنه ۱۳۳۵ تاریخی و ۳۳۴۵ نومرولی تذکره فتواخانه یه لدی الحواله حادثه ده اخیراً تنظیم ایدیلان وکالتنامه لرده اولکی وکیللرک عزللرینه تعرض اولنمادیقنی تقدیرده مذکور وکالتنامه لرک اوجیده معتبر اولوب انحق وکیللردن مرهانکیسنک فراغ و تقریرینه صاحب ارضك اذنی لاحق اولور ایسه یالکز آنک فراغی صحیح اولوب بعده دیکر لرینک فراغلری صحیح اولمایه جنی افاده قلندی .